

臨武縣志卷之十一

關隘志

秦關極壯九泥懸封蜀道維艱一夫可守易曰王公設險以守其國險之將義大矣哉臨邑東連百越西接九疑據衡湘之上游控交廣之右臂又其形勢托體高敞居楚粵之脊五嶺鬱盤萬山叢繞跡其萃肆嶙峋豈無峯侵鳥道路幻羊腸堪與函谷劍閣相伯仲者乎是亦南方之屏障也但地近邊徼僻在一隅山經地誌有未盡采錄者今為撮其大要志關隘

臨武縣志

卷之十一

關隘一

東關

南關

西關 以上俱有更樓

驟溪隘

花塘隘 舊各有更樓今廢

湟谿關

案舊志云湟水在臨武縣南五十里連州界臨武華陰山南水俱入谿同為湟水入番禺  
○姚氏案地理志云古桂陽郡有陽山縣今此縣上流百餘里有騎田嶺當是陽山關

秦二世時南海尉任囂病且死名龍川令趙佗語曰番

禺負山險阻南北東西數千里此亦一州之主可為

國囂死佗即移檄告橫浦陽山湟谿關曰盜兵且至急絕道聚兵自守漢高后時有司請禁南關市鐵

太平場

在縣東南三十里今改為太平墟其地勢平曠可屯數萬人

北藏嶺

在縣北三十里即八源山也一名東山高入雲表盤旋數十百里寶藏所興不可枚舉故又稱北藏嶺宋高宗時岳飛曾於此破賊曹成

宋紹興二年賊曹成擁眾十餘萬由江西歷湖湘據道

賀二州朝命岳飛權知潭州兼權荆湖東路安撫都總管付金字牌黃旗招成飛至茶陵遣兵趨郴及桂陽監招之不聽將入賀州境得成謀者縛之帳下飛

臨武縣志

卷之十一

關隘二

出帳調兵食吏曰糧盡矣奈何飛佯曰姑反茶陵謀歸告成成大喜期翌日來追飛命士蓐食潛趨遶嶺未明已至太平場破其砦成據險拒飛飛麾兵掩擊賊大潰成走據北藏嶺上梧關遣將迎戰飛不陣而鼓士爭奮奪二隘據之

桂嶺

五嶺之一即香花嶺也俗呼桂為香花故名在縣在縣北三十里北接金香左連馬嶺高八百餘丈南宋時賊曹成於此置砦其故壘猶彷彿有存者

蓬頭嶺

今改為順頭嶺在臨武縣南境連州界嶺下有岳侯廟其山勢北頗平迤南極陡峻飛以八千人破曹成十萬眾於此山下

曹成又自桂嶺置砦至北藏嶺連控隘道親以衆十餘萬守蓬頭嶺飛部纔八千人一鼓登嶺破其衆成奔連州飛謂張憲等曰成黨散去迫而殺之則脅從者可憫若等誅其首而撫其衆於是憲自賀連徐慶自卻道王貴自柳桂招降者二萬與飛會連州合兵追成成走宣撫司降

金城

山名高百餘丈在邑治東四十里山上平廣可屯千餘人前代兵變民自壘石爲垣以避寇氛

故名

方山寨

四面陡絕峻削如印在縣治南三十餘里前代寇氛擾攘邨民於其上立寨以避焉

歸武縣志

卷之十一

關隘三

九澤水

矮砦

州志云二處與連州交界最爲境內扼要隘口有卡盤查在縣城南三十五里

田心堡

離縣五十里詳邊防

禾倉堡

崇禎十三年摘分嘉禾縣